



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

XIII. Das Kapitel zu Soldin bekundet dem Markgrafen Ludwig und seiner Gemahlin Margarethe, für die Pfarren zu Lippehne, Friedeberg, Woldenberg und Warnitz die Theilnahme an seinen guten Werken ...

Nutzungsbedingungen

[urn:nbn:de:hbz:466:1-55359](https://nbn-resolving.org/urn:nbn:de:hbz:466:1-55359)

pum Soldin Canonicorum totus est predictorum. Item ex alia parte inter Soldin et Mittelweld effluvio Mittel vsque ad campum Bruche et inde vsque ad campum Retz, et deinde vsque ad campum Nienburg et sic deinceps a campo Nienburg descendendo per distinctiones villarum Schoninberch et Golin vsque in stagnum Ztummoth, et quidquid in dictis villis et ipsarum limitibus predictis continetur, scilicet in agris cultis et incultis, nemoribus, siluis, lignis, pascuis, pratis, stagnis, riuis et rinulis, molendinis, edificatis vel edificandis —.

Hier ist das Dokument in dem Codex des Geh. Staatsarchives, worin dasselbe erhalten ist (I. Cod. 4 in qu.), abgeschrieben. Zu vgl. oben Nr. III.

XIII. Das Kapitel zu Soldin bekundet dem Markgrafen Ludwig und seiner Gemahlin Margarethe, für die Pfarren zu Lippehne, Friedeberg, Woldenberg und Warnitz die Theilnahme an seinen guten Werken zugesichert und sein Wahlrecht aufgegeben zu haben, am 24. Juni 1335.

In nomine domini Amen. Ordo rationis et equitatis expostulat in hiis, que stipendia ad cultum diuinum augmentandum et in suo robore firmitatis conseruandum largiti fuerint karitatiua temporalia perhennis felicitis memorie et specialis gratiarum actionis debita exhibeantur et retribuuntur premia meritorum. Nos itaque Lupoldus, prepositus, Ditericus de prescel, decanus, totumque capitulum ecclesie Soldinensis publice protestamur in hiis scriptis, Quod magnificus ac Illustris princeps ac dominus, dominus Ludouicus, marchio brandenburgensis, ob deuotionem, quam ad nostram gerit ecclesiam, respiciens eam redditibus et prouentibus egentem, incendiis et rapinis vastatam, tamquam spes defolatorum et pater orphanorum, ecclesias ciuitatum lippene, vredeberg et woldenberg ac ville warniz cum iuribus patronatus ecclesiarum earundem, cum omnibus pertinentiis, utilitate et usufructu, nec non cum libera proprietate nostre dedit et libertauit ecclesie augmentans prouentus ipsius, ut in ea crebro die noctuque cultus diuinus augeatur. Proinde eundem dominum nostrum Ludouicum, marchionem brandenburgensem, ac inclitam principem ac dominam, dominam margaretham, ejus conthoralem, et eorum progenitores omnium bonorum spiritualium in hiis scriptis facimus participes, que in nostra fient ecclesia perpetuis temporibus domino disponente. Statuentes vt ipsorum et suorum progenitorum felix memoria in nostra ecclesia perhenniter habeatur. Damus insuper ex decreto nostri capituli predicto domino Ludouico marchioni suisque heredibus legitimis et successoribus marchionibus brandenburgensibus omnem electionem nostram, qua canonicos recipere consueuimus secundum consuetudinem nostre et aliarum ecclesiarum, ita videlicet vt cum hii, qui per nos nunc sunt recepti, prebendas habentes pueriles secundum ordinem et gradum suum maiores adepti fuerint prebendas, extunc quotiens et quando prebende in nostra vacauerint ecclesia, quascunque personas ydoneas et dignas idem dominus noster Ludouicus aut sui successores capitulo nostro presentauerint, a nobis et nostris successoribus sine aliqua contradictione in Canonicos et confratres recipiantur ac ipsis ipsis ecclesie prebende, que vacauerint, assignentur. Nolumus etiam nec debemus post tem-

pus predictum aliquas personas ad prelaturas et dignitates aut personatus eligere, nisi de consensu et voluntate sepedicti domini nostri marchionis et suorum successorum. Adjicimus etiam si idem dominus noster marchio, heredes vel successores ipsius, vellent vnam vel duas personas nobis presentatas in ipsorum curiis vel obsequiis tenere, eidem vel eisdem, dummodo vicarios ydoneos statuerint, ipsarum prebendarum obventiones debemus assignare et volumus presentate. In quorum euidenciam et perennem memoriam presens scriptum dedimus sigillo nostri capituli roboratum. Actum et datum kunigesberg, anno domini M^o. CCC^o. XXXV^{to}., in die beati Johannis baptiste.

Aus einem Copialbuche des Geh. Staats-Archives (I. Cod. 4 in qu.) und Diefmann's Sammlung fol. 293.

XIV. Markgraf Ludwig überläßt dem Stifte Soldin das Patronat über die Kirchen zu Lippehne, Friedeberg, Woldenberg und Warnitz für das Recht, die Mitglieder des Domstifts zu präsentiren, am 1. Juli 1335.

In nomine domini amen. Cum humane presentis conditionis sexus contractus, actuum et causarum negotia lapsu vetustatis et obliuionis rubigine deperire consueuerint, si certis munimentorum indiciis non fuerint communita, necessarium fore credimus, vt actus vniuersos et specialiter, quos sanctam tangit ecclesiam, presens etas scripturarum perhennet testimonio, vt ipsos successua posteritas inueniat perhennatos. Sane nos Ludouicus, dei gratia Marchio Brandenburgensis etc., pio deuocionis zelo moti, quem honorabilibus viris Preposito, Decano et capitulo ecclesie Soldinensis hactenus commendabilium suorum meritorum consideratione gessimus, attendentesque egestatem et inopiam ecclesie predictae et necessariorum defectus, quibus ipsos opprimi cognouimus, quibusque, ob diuine remunerationis respectum, animarumque progenitorum predecessorum et anime nostre, heredum et successorum nostrorum salutem perpetuam, pro quibus altissimum inuocare sedulo tenebuntur, mederi salubiter volumus et nitimur mero nisu, ipsis preposito Decano et capitulo prenotatis tam presentibus quam futuris ob subleuamen egestatis et defectuum premissorum dicte ecclesie incumbentium, ob honorem et laudem omnipotentis dei, gloriose virginis Marie matris eius, ex maturo nostri consilii consilio, damus appropriamusque per presentes iura patronatus ecclesiarum parochialium ciuitatum Lippen, Vredeberg et Woldinberg ac ville Warnitz cum vniuersis dictarum ecclesiarum pertinentiis eisdem rite pertinentibus ex consuetudine vel ex jure, sine impedimento quolibet, perpetue quiete et pacifice possidenda. Tali tamen conditione interposita vel inclusa, quod nos heredes aut successores nostri legitimi, sine ipsorum contradictione et qualibet alia, debemus et debebunt singulas dicte ecclesie prebendas conferre et ad ipsius ecclesie prelaturas siue dignitates, ipsorum tamen canonicorum habito super eo consensu, personas competentes et ydoneas presentare. Quam quidem presentationem per nos faciendam instare volumus, dum quatuor persone per ipsos nunc actu recepte pueriles prebendas habentes fuerint immediatus consequute. Volentes, quod si nos heredes aut successores nostri vellemus vel vellent vnam vel duas personas nobis vel ipsis competentes, coram nobis vel ipsis nostris successoribus in nostris vel ipsorum curiis